

**ILUARSISSUT**

Siusinnerusukkut siunnersuut (ilanngussat ilanngunnagit) 10. oktober 2013-imeersoq taarserpaa

(Siunnersuummut tunngavilersuutini annikitsumik teknikikkut iluarsisoqarpoq)

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Siulittaasoqarfiup saqqummiuppaa:

**Inatsisartut taakkulu allaffissornikkut immikkoortuisa illussaannik nappaanissamut Siulittaasoqarfiup pilersaarussiaanut Inatsisartut tapersiinissaannut alajangiiffigisassatut siunnersuut.**

(Inatsisartut Siulittaasoqarfiat: Lars-Emil Johansen, Agathe Fontain, Kim Kielsen, Ane Hansen og Finn Karlsen)

**Tunngavilersuut:**

Inatsisartut ataatsimiittarfissaannik, kiisalu ilaasortanit, partiit allatseqarfiinit allaffissornikkulu sullissisunit assigiinngitsunit allaffiusussanik taamatullu atortorissaarusersukkanik ataatsimiittarfitalimmik Inatsisartut illussaannik nutaamik nappaasinnaanermut periarfissat misissorlugit Inatsisartut Siulittaasoqarfiat 2013- imi upernaakkut suliniuteqalerpoq. Inatsisartuni sulinermi atugassarisanik ullutsinnut tulluurtunik pilersitsinissamik kissaatit ukiuni kingullerni uteqqiattumik tutsiuttartut nassatarisaattut suliniut takusariaqarpoq.

Inatsisartut illussaannik nutaamik nappaanissaq iliuusiusoq ilaatigut sulinermi, peqqissutsikkut aningaasartuuteqarnikkulu atukkat eqqarsaatigalugit pilerininartutut pitsaasuusutullu Siulittaasoqarfimmit tassunga atatillugu nalilerneqarsimavoq. sanaartugassap piorsarsimassutsikkut immikkuullarissuunitsinnik ersersitsinermigut piukkunnaateqarnissaa Siulittaasoqarfimmit pingaartinneqarpoq. Illusaaq nutaaq maannakkut Inatsisartuusunit atugassatut pinani; kingunissanulli nappagaassasoq tassunga atatillugu malugineqarpoq. Illu ajukkunnangitsoq atortunik sumiiffimmi pilersitanik atortoqarluni taamatullu sulisoqarluni pilersitaq inuiaqatigiinnut tulluusimaarnermik pilersitsisuusaaq.

Atatillugu illorsuit ukiut 30-it sinnerlugit pisoqaassusillit ullumikkulu Inatsisartunit, partiit allatseqarfiinit Inatsisartullu Allattoqarfiannit atorneqartut F aamma G pisoqalillutik nungullarluinnarsimasut atorsinnaassutsimikkulu ullutsinnut tulluarunnaavissimasut oqaatigineqassaaq, taamaammallu illorsuit taakku qitiusumillu allaffeqarfiup illorsuartaasa Namminersortutik Oqartussanit ingerlanneqartut ilaasa piarneqarnissaat nutaamillu sanaartukkamik taarserneqarnissaat allaffissornikkut suleqatigiisitamit siunnersuutigineqarpoq. Nalinginnaasumik illorsuarnik piusunik nutarterinissamat naleqqiullugu piiaalluni nutaamik sanaartornissaq ullutsinni sanaartukkanik nalilersueriaatsit nalinginnaasut malillugit siumut isigisumik akikinnerusutut pitsaanerusutullu suleqatigiisitamit nalilerneqarpoq. Nutarterinissamat pilersaarussiaaq pineqartoq pillugu ilanngussaq A-mi immikkoortut sisamaannut innersuussisoqarpoq.

Siulittaasoqarfiup suliniuteqarnera pilersaarusiartu suliarineqartoq naqinneqartorlu tunuliaqutaralugit partiit siulittaasuunik Naalakkersuisunillu oqaloqatiginninnerit ingerlanneqarsimapput. Taamatuttaaq partiinik Naalakkersuisunillu tusarniaanerit ingerlanneqarput. Oqallisigininnermi kiisalu allakkatigut tusarniaanermut akissuteqaatit tamarmik isumaqatigiittumik Inatsisartut illussaannik nutaamik sanaartortitsinissamat akuersillutik tapersiipput.

Pilersaarutit piusut ilaatigut makuninnga imaqarput:

- Inatsisartut ataatsimiittarfiat nutaaliaasooq pitsaanerusumik atugassaqaqtitsisoq ilaasortanut, tusarnaartunut sulisunullu inissaqaqtitsisoq.
- Inatsisartunut ilaasortanut, partiillu allatseqarfiinut allaffeqarnikkut ataatsimiittarfeqarnikkullu pitsaanerusumik atugassaqaqtitsisoq.
- Tusagassiortunut (naqitanut elektroniskiusunullu) pitsaanerusumik atugassaqaqtitsineq.
- Oqalutsinut atortorissaarutit pitsaanerusut.
- Illumi inunnut sulianillu ingerlatsinermut tunngatillugu isumannaallisaanermik pilersitsinissaq.
- Atortorissaarutit nutaat soorlu atuagaateqarfik innarluutilinnillu ajornannginnerusumik orninneqarsinnaaneq.
- Sinaakkutat ajukkunnanngitsumik isikkuminassusillit.
- Sulianik ingerlatseriaatsit, sulinermi isumannaassuseq illullu iluani avatangiisit peqqinartuunissaat eqqarsaatigalugit sulinermi atukkat pitsaanerusut.

Illu titartarneqarnermi torrallataasooq atoruminassutsikkullu pitsaassuseqarluarsoq immersugaanikkut piumasaaqatiniq qulaani taaneqartunik naammassinnissinnaasooq kissaatigineqarpoq. Sapinngisamik atortussanik nunatsinneersunik atortoqarluni illup napparneqarnissaa kissaatigineqarpoq. Avataaniit tikeraartunut inuiaat kalaallit ilisarnaataattut illu naammassisoq napassaaq.

Sanaartortitsisup siunnersortaatusut suliamik ingerlatsinissaq pillugu titartaasarfik TNT isumaqatigiissusiorfigineqarpoq, tamanna teknikikkut sanaartornermi siunnersortsinit pilersaarsiortunillu Inuplanimit suleqateqarluni. Suliffeqarfiit taakku Kalaallit Nunaanni angerlarsimaffeqarput. Pisariaqartitat pillugit siunissamut isigisumik Sanaartortitsisup siunnersortaa peqatigalugu ataatsimoortumik suliap ingerlanneqarnissaanut pilersaarsiortoqarnissaa ilimaqineqarpoq, peqatigitillugulu illoqarfiup iluani qiterpasissumi nunaminertamik sanaartorfiusussamik piukkunnartumik nassaarsiortoqassaaq Kommuneqarfillu Sermersooq qanittumik suleqatigalugu illoqarfiup iluani sanaartugassanik pilersaarusiarnamut tapiliussassamik pisariaqaqtitsineq naapertorlugu isumannaarisooqassaaq.

Tamatuma kingorna sanaartornermut pilersaarusiaq tunuliaqutaralugu suliassaq tamarmi ataatsikkut illussanik titartaasartunik unammisitsinermik kiisalu sanaartukkap napparneqarnissaanut neqerooruteqaqtitsinermik imaqartoq malillugu *ataatsimut suliariumannittussarsiuuneqartussaassaaq*. Tamanna illussanik titartaasartut Kalaallit Nunaanni najuuttut kisimik peqataanissamut kaammattorneqarfisaaq *“Qaaqqusilluni illussanik titartaasartunik unammisitsinermik”* aqqissuussinikkut pissaaq. Unammisitsinermi peqataasooqarlunissaa isumannaarniarlugu suliffeqarfinnik nunap iluaneersunik nunanilluunniit allaneersunik nammineq isumaq malillugu suleqatissarsiorneqassaaq kaammattuutigineqartoq suliffeqarfinnut illussanik titartaasarfiusunut paasititsissutigineqassaaq. Suliffeqarfiit titartaasarfiusut neqerooruteqaqtitsinermut peqataasut suliamilli tigusingitsut aalajangersimasumik annertussusilimmik aningaasartuutiminnut pisarneq malillugu matussusiivigineqassapput, tamanna nunamit namminermit illussanik titartaasartut unammisitsinermut peqataasut sapinngisamik amerlasuujunissaaq isumannaarniarlugu. Suliariumannittussarsiuusseriaaseq atornerqartoq pilersaarusiarnamut pineqartumut tulluartausutut tamatuma saniatigut nalilerneqarpoq, tassami pilersaarusiarnamut unammisitsinermi tunniunneqartut akornanni *ataatsimut* titartarneqarnermi torrallataasuseq, akunnaatsuliaasuseq pissutsillu aningaasartuuteqarnermut tunngassuteqartut aallaavigalugit sorleq sanaartorneqassanersooq sanaartortitsisup siunnersortaata toqqassallugu aalajangersin-

naammagu. Periuseq taamaattoq ilaatigut Atuarfik Hans Lyngep sanaartorneqarnerini ator-  
neqarpoq.

August 2014 neqerooruteqartitsisoqarsinnaanera ilimagineqarpoq neqerooruteqarsinnaaneq  
qaammatit pingasut ataannagit killilerlugu. Unammisitsinermi ajugaasumik december 2014  
nallertinnagu toqqaanissaq siunertaralugu ataatsimiitaliamik naliliisussamik pilersitsisoqas-  
saaq. Taamatullu sanaartorneq januar 2015 aallartinneqarsinnaassaaq. Sanaartornerup ukiuni  
marlunni ingerlanissaa naatsorsuutigineqarpoq taamaalillunilu Inatsisartut illussaat nutaaq  
februar 2017 atulersinnaassalluni, taamalu qinersinermi tullermi Inatsisartunngortussat illumi  
nutaami inissitsiterfiusumik ataatsimiissinnaassallutik.

Sanaartornermut pilersaarutip tassungalu qaaqquilluni illussanik titartaasartunik unammisit-  
sinermi peqataasunit siunnersuutit tiguneqannginnerini sanaartugassap inaarutaasumik akia  
taaneqarsinnaanngilaq. Illup angissusissaa kvadratmeterinut 3.000-inut 5.000-inullu tagger-  
suunneqarpoq atortussallu pitsaassusaat sumiiffissaalu apeqqutaallutik kr-it. 100 millionit 190  
millionillu akornanni akeqartussatut maannangaaq naatsorsuutigineqarpoq. Tamatuma sania-  
tigut aamma illup qanoq eqqumiitsulianik kusassagaatiginissaa qanoq akeqarnissaanut apeq-  
qutaassaaq. Sanaartugassap 5.000 kvm-isut angissuseqarani 3.000 kvm-isut angissuseqarnis-  
saa ilimagineqarneruvoq, kisianniuna sanaartugassap atulernermini mikinaagaanissaata pina-  
veersarneqarnissaa siunertaralugu sanaartugassap naammalluartumik angissusilerneqarnis-  
saa maannakkut siunniunneqartoq. Tassami maannangaaq atorfissaqartinneqartoq sinnerlugu  
angissusilimmik sanaartorneq kingorna allannngortiterinissamut ilaartuillunilu sanaartornissa-  
mut naleqqiullugu siunissamut isigisumik akikinnerusoq misilittakkat takutippaat.

Aalajangiiffigisassatut siunnersuut una Inatsisartunit taparserneqassappat taava Siulittaaso-  
qarfik Inatsisartut suliaasaqarfiisa iluani 2013-imut pilersinneqartumut sanaartornermut ani-  
ngaasaliissutissanit ilassutitut aningaasaliissutinik 3 mio. kr-inik Suleriaatsimut Ataatsimiiti-  
taliambut qinnuteqassaaq. Sanaartornermut aningaasaliissutit pineqartut pilersaarusiap suliar-  
neqarneranut kiisalu sinaakkutassat piumasaqaatillu isummernissamut tunngavissiap uuma  
tassungalu ilanngussatut atasut imarisaat tunngavigalugit qaaqquilluni illussanik titartaas-  
artunik unammisitsinermut atorneqassapput. Aaqquissuullugu pilersaarusiambut aningaasaliissutit  
akuersissutigineqartut tunuliaqutaralugit Siulittaasoqarfik illup nutaap napparneqarnissaanut  
Illuut A/S-imut isumaqatigiissusiussaaq. Sanaartugaq taamatut pisortat namminersortullu su-  
leqatigiinnerisigut napasuliami Naalakkersuisut allaffeqarfiannik sanaartortitsinermi atorne-  
qarpoq. Illuut A/S taamaalilluni Realkreditimit sanaartugassap napparneqarnissaanut ani-  
ngaasanik attartussaaq sanaartukkallu napparneqarnerani isumaginnittuulluni, tamatuma ki-  
ngorna Inatsisartut illoq Illuut A/S-imit ukiuni 30-imi taamaatinneqarsinnaanngitsumik attar-  
tussavaat. Attartorneq taamaallaat realkreditimi attartukkat akilersuutaannut aningaasartuu-  
tinullu attuumassutilinnut matussusiussaaq. Taamaaliornermi Illuut A/S aningaasanik iluanaa-  
ruteqassanngilaq. Ukiut 30- it qaangiunneranni sanaartugaq akiliisitsinertaqanngitsumik Inat-  
sisartunut tunniunneqassaaq. Sanaartukkamik nappaaneq taamatut 2014-imut siunissamullu  
IST-mi amigartooruteqarfiussanngilaq, tassami aaqquissuullugu pilersaarusiornermut aningaa-  
saliissutit 3 mio. kr-iusut kisimik 2013-imi aningaasaqarnikkut sunniuteqassapput. Illuut A/S-  
ip realkreditimi attartorneratigut inuiaqatigiit ataatsimut akiitsui illumut attartukkat an-  
nertoqataannik annertuseriassapput.

Illup atulernerata kingornatigut attartorneranut ingerlatsinermullu aningaasartuutit aningaasa-  
nut inatsimmi kontu pingarneq 20.30.10 Namminersorlutik Oqartussat qitiusumik allaffeqar-  
fii aqquutigalugu imaluunniit kontumit pingarnermit allamit Inatsisartut suliaasaqarfiisa ataa-

ni siunertamut pilersinneqartumit akilersorneqartariaqassapput. Illumik kvadratmeterinik 3.500-unik angissusilimmik attartornermut aningaasartuutit illup napparneqarnermini akia, katitigaanikkut pitsaassusia, pequtsersugaanera il.il apeqqutaallutik ukiumut 10,5 mio. kr-it 12,5 mio. kr-illu akornanniittussatut naatsorsuuutigineqarpoq. Pilersaarusiame ukiumut ingerlatsinermit aningaasartuutissat katillugit qanoq annertutiginiissaannut apeqqutaassaaq illut ullumikkut Inatsisartunit atorneqartut illup nutaap atulernerani qanoq iliuseqarfigineqarneri.

Naggasiutitut ilanngussatut nassiussanut innersuussissaanga.

Taamatut oqaaseqarlunga siunnersuut Inatsisartunut suliassanngortippara.

Ilanngussat:

- A. Siulittaasoqarfimmut allakkiaq 6. juni 2013-imeersoq.
- B. Partiinut allakkat tusarniaassutit 22. juni 2013-imeersut akissuteqaatillu tiguneqartut.
- C. Siulittaasoqarfimmut allakkiaq 10. august 2013-imeersoq.
- D. Siulittaasoqarfimmit Naalakkersuisunut allakkat 22. august 2013-imeersut.
- E. Siulittaasoqarfimmut allakkiaq 8. oktober 2013-imeersoq.